

30 NOIEMBRIE

**PARACLISUL
SF. REGE
VAHTANG I
GORGASALI
AL GEORGIEI**



PARACLSIERUL PE NOIEMBRIE-GG



პარაკლისი წმიდისა დიდისა მეფისა ვახტანგ გორგასლისა

მღდელობან: კურთხეულ არს-ი

და უკეთუ ერისკაცია იტყვის: ლოცვითა წმიდათა მამათა ჩუენთათა, უფალო იესუ ქრისტე, ღმერთო ჩუენო, შეგვიწყალებ ჩუენ, ამინ.

ლოცვითა წმიდათა მამათა ჩუენთათა, უფალო იესუ ქრისტე, ღმერთო ჩუენო, შეგვიწყალებ ჩუენ, ამენ.

დიდებაი შენდა, ღმერთო ჩუენო, დიდებაი შენდა.

მეუფეო ზეცათაო, ნუგეშინისმცემელო, სულო ჭეშმარიტებისაო, რომელი ყოველგან ხარ და ყოველსავე აღავსებ მადლითა შენითა, საუნჯეო კეთილთაო, მომნიჭებელო ცხოვრებისაო, მოვედ და დაემკვიდრე ჩუენ შორის და წმიდა-მყვენ ჩუენ ყოვლისაგან ბიწისა და აცხოვნენ, სახიერო, სულნი ჩუენნი.

წმიდაო ღმერთო, წმიდაო ძლიერო, წმიდაო უკუდაო, შეგვიწყალებ ჩუენ (3-გ ზის).

დიდებაი მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგვიწყალებ ჩუენ; უფალო, გვიხსენ და გვილხინე ცოდვათა ჩუენთაგან; მეუფეო, შეგვიხსენ უმჯულოებანი ჩუენნი; წმიდაო მოიხილე და განჰკურნენ უძლურებანი ჩუენნი სახელისა შენისათვის.

უფალო, შეგვიწყალებ (3-გ ზის).

დიდებაი მამასა და ძესა და წმიდასა სულსა, აწ და მარადის და უკუნითი უკუნისამდე, ამენ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევაი შენი, იყავნ ნებაი შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისაი მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მიხსნენ ჩუენ ბოროტისაგან.

მღდელმან: რამეთუ შენი არს სუფევაი...

უფალო, შეგვიწყალენ (12-გ ზის).

დიდებაი მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მოვედით, თაყუანის-ვსცეთ მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ ქრისტესა მეუფესა ჩუენსა ღმერთსა.

მოვედით, თაყუანის-ვსცეთ და შეუვრდეთ თვით ქრისტესა მეუფესა და ღმერთსა ჩუენსა.

უფალო, შეისმინე ლოცვისა ჩემისაი, ყურად-იღე ვედრებაი ჩემი ჭეშმარიტებითა შენითა, შეისმინე ჩემი სიმართლითა შენითა; და ნუ შეხუალ საშჯელსა მონისა შენისა თანა, რამეთუ არა განმართლდეს შენ წინაშე ყოველი ცხოველი, რამეთუ დევნა მტერმან სული ჩემი და დაამდაბლა ქუეყანად ცხორებაი ჩემი, დამსუა მე ბნელსა შინა, ვითარცა მკუდარი საუკუნოი. და მოეწყინა ჩემთანა სულსა ჩემსა, და ჩემ შორის შემიდრწუნდა გული ჩემი. მოვიხსენე დღეთა პირველთაი, და ვიწურთიდ ყოველთა მიმართ საქმეთა შენთა და ქმნულსა ხელთა შენთასა ვზრახევდ. განვიპყრენ შენდამი ხელნი ჩემნი, და სული ჩემი, ვითარცა ქუეყანაი ურწყული შენდამი. მსთუად შეისმინე ჩემი, უფალო, რამეთუ მოაკლდა სულსა ჩემსა; ნუ გარე-მიიქცევ პირსა

შენსა ჩემგან, და ვემსგავსო მათ, რომელნი შთავლენან მღვიმესა.
მასმინე მე განთიად წყალობაი შენი, რამეთუ მე შენ გესავ; მაუწყე მე,
უფალო, გზაი, რომელსაცა ვიდოდი, რამეთუ შენდამი აღვიღე სული
ჩემი. მიხსენ მე მტერთა ჩემთაგან, უფალო, რამეთუ შენ შეგევედრე.
მასწავე მე, რაითა ვყო ნებაი შენი, რამეთუ შენ ხარ ღმერთი ჩემი;
სული შენი სახიერი მიძლოდენ მე ქუეყანასა წრფელსა. სახელისა
შენისათვის, უფალო, მაცხოვრო მე და სიმართლითა შენითა
გამოიყვანო ჭირისაგან სული ჩემი. და წყალობითა შენითა მოსრნე
მტერნი ჩემნი და წარსწყმიდნე ყოველნი მაჭირვებელნი სულისა
ჩემისანი, რამეთუ მე მონაი შენი ვარ.

დიდებაი მამასა და ძესა და წმიდასა სულსა, აწ და მარადის და
უკუნითი უკუნისამდე, ამინ.

ალილუია, ალილუია, ალილუია, დიდებაი შენდა ღმერთო.
ალილუია, ალილუია, ალილუია, დიდებაი შენდა ღმერთო.
ალილუია, ალილუია, ალილუია, დიდებაი შენდა ღმერთო ჩუენო,
დიდებაი შენდა.

ღმერთი უფალი და გამოგვიჩნდა ჩვენ, კურთხეულ არს მომავალი
სახელითა უფლისაითა.

მუხლი .ა. აუვარებდით უფალსა, რამეთუ კეთილ, რამეთუ
უკუნისამდე არს წყალობაი მისი.

მუხლი .ბ. ყოველი თესლები გარე მომადგა მე, და სახელითა
უფლისაითა ვერეოდე მათ.

მუხლი .გ. არა მოვკუდე, არამედ ვცხოვნდე, და განვსთქუნე მე
საქმენი უფლისანი.

მუხლი .დ. ლოდი, რომელ შეურაცხყვეს მაშენებელთა, ესე იქმნა თავ
კიდეთა, უფლისა მიერ იყო ესე, და არს საკვირველ წინაშე თუალთა
ჩუენტა.

ტროპარი

ძლევანი ყოვლად დიდებულნი საჭურველითა ცხოველსმყოფელისა ჯუარისადათა წარმართენ, საწუთოდ სამეფოდ სიბრძნითა განაგე და ეკლესიად ქართლისად ღუაწლითა შენითა განაშუენე, და აწ იხარებ წინაშე უკუდავისა მეუფისა, წმიდაო, დიდო კეთილმსახურო მეფეო ვახტანგ, მეოხ გუეყავ ჩუენ ცოდვილთა.

დიდებაი მამასა და ძესა და წმიდასა სულსა.

ძლევანი ყოვლად დიდებულნი საჭურველითა ცხოველსმყოფელისა ჯუარისადათა წარმართენ, საწუთოდ სამეფოდ სიბრძნითა განაგე და ეკლესიად ქართლისად ღუაწლითა შენითა განაშუენე, და აწ იხარებ წინაშე უკუდავისა მეუფისა, წმიდაო, დიდო კეთილმსახურო მეფეო ვახტანგ, მეოხ გუეყავ ჩუენ ცოდვილთა.

აწდა მარადის და უკუნითი უკუნისამდე, ამინ.

არა სადა დავსდუმნეთ, ღმრთისმშობელო, ძლიერებათა შენთა ქებად, უღირსნი ესე მონანი შენნი, რამეთუ არა თუმცა შენ გვფარევდი ოხითა შენითა, ვინმცა დაგვიცვნა ჩუენ აქამომდე ფლობილად; არასადა განგეშორნეთ ჩუენ, დედოფალო კურთხეულო, რამეთუ შენ იხსნი სულთა ჩუენთა ყოველთა განსაცდელთაგან.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა აღხოცე უშჯულოებაი ჩემი. უფროის განმბანე მე უშჯულოებისა ჩემისაგან და ცოდვათა ჩემთაგან განმწმიდე მე, რამეთუ უშჯულოებაი ჩემი მე უწყი, და ცოდვაი ჩემი წინაშე ჩემსა არს მარადის. შენ მხოლოსა შეგცოდე და ბოროტი შენ წინაშე ვყავ, რაითა განმართლდე სიტყუათაგან შენთა და სძლო სჯასა შენსა, რამეთუ ესერა, უშჯულოებათა შინა მიუდგა და ცოდვათა შინა მშვა მე დედამან ჩემმან. რამეთუ ესერა, ჭეშმარიტებაი შეიყუარე, უჩინონი და დაფარულნი სიბრძნისა შენისანი გამომიცხადენ მე. მასხურო მე უსუპითა და განვწმიდნე მე, განმბანო მე და უფროის თოვლისა

განვსპეტაკნე. მასმინო მე გალობაი და სიხარული და იხარებდენ ძუალნი დამდაბლებულნი. გარე მიაქციე პირი შენი ცოდვათა ჩემთაგან და ყოველნი უშჯულოებანი ჩემნი აღხოცენ. გული წმიდაი დაჰბადე ჩემ თანა, ღმერთო, და სული წრფელი განმიახლე გუამსა ჩემსა. ნუ განმაგდებ მე პირისა შენისაგან და სულსა წმიდასა შენსა ნუ მიმიღებ ჩემგან. -მომეც მე სიხარული მაცხოვარებისა შენისაი და სულითა მთავრობისაითა დამამტკიცე მე. ვასწავლნე უშჯულოთა გზანი შენნი და უღმრთონი შენდა მოიქცენ. მიხსენ მე სისხლთაგან, ღმერთო, ღმერთო ცხოვრებისა ჩემისაო; იხარებდეს ენაი ჩემი სიმართლესა შენსა. უფალო, ბაგენი ჩემნი აღახუენ, და პირი ჩემი უთხოვდეს ქებულებასა შენსა. რამეთუ უკეთუმცა გენება, მსხუერპლი შე-მცა-მეწირა, არამედ საკუერთხი არა გთნდეს. მსხუერპლ ღმრთისა არს სული შემუსრვილი, გული შემუსრვილი და დამდაბლებული ღმერთმან არა შეურაცხ-ყოს. კეთილი უყავ, უფალო, ნებითა შენითა სიონსა და აღეშენენ ზღუდენი იერუსალემისანი. მაშინ გთნდეს მსხუერპლი სიმართლისაი, შესაწირავი და ყოვლად-დასაწუელი, მაშინ შეიწირენ საკურთხეველსა შენსა ზედა ზუარაკნი.

გალობაი 1, უგალობდითსა, ხმაჲ 4 გუერდი

ძლისპირი: ქუეყანასა მწყურნებსა, ვითარცა ჳმელსა, განვიდა და შრომათაგან ეგჳპტისათა განერა ერი ისრაელთაჲ, ლაღადებდა: მჳსნელსა ჩუენსა და უფალსა უგალობდეთ.

წმიდაო, დიდო კეთილმსახურო მეფეო ვახტანგ გორგასლანო, ევედრე ღმერთსა ჩუენტჳს.

ვედრებად შენდა არა დავსცხრებით, მსწრაფლ-შემწეო ჩუენო ჳელმწიფეო, და მოვივლტით პატოისანსა ხატსა შენსა წმიდასა და ვითხოვთ შენ მიერ შეწევნასა, დიდებულო.

წმიდაო, დიდო კეთილმსახურო მეფეო ვახტანგ გორგასლანო,
ევდრე ღმერთსა ჩუენთჳს.

ქებით შეგამკობთ შენ, ყოვლად ტკბილო და საწადელო მეფეო
ვახტანგ, და მეოხ-გყოფთ წინაშე ღმრთისა, რადთა წყალობითა კელი
აღგვიპყრას სარწმუნოებითა შენდამი მოლტოლვილთა.

დიდებაჲ მამასა და ძესა და წმიდასა სულსა,

მოილე რად პატივი და ნიჭი მეფობისაჲ, დაიდგ თავსა შენსა გზრგზნი
სიბრძნისაჲ, ჳელთ-იდევ სკიპტრად სიმტკიცჳ გონებისაჲ, და
პორფირად საღმრთოდ შეიმოსე სარწმუნოებაჲ, ღირსო.

აწ და მარადის და უკუნითი უკუნისამდე, ამინ.

ბჳეო აღმოსავალისა საღმრთოჲსაო, განმიხვენ მე კარნი
სინანულისანი და ბჳეთაგან სიკუდიდ-შემოსილისა ცოდვისათა,
მიჯსენ შუამდგომელობითა შენითა, ღმრთისმშობელო.

გალობა 3, განძლიერდასა

ძლისპირი: განმამლიერებელ მექმენ მე, დამბადებელო ცისაო და
ქუეყანისაო წყალთა ზედა. დამამტკიცე მე, ქრისტე, ეკლესიისა
კლდესა ზედა, რამეთუ არა ვინ არს წმიდაჲ შენებრ, კაცთ-მოყუარე.

წმიდაო, დიდო კეთილმსახურო მეფეო ვახტანგ გორგასლანო,
ევდრე ღმერთსა ჩუენთჳს.

ზეგარდამოდ შეგონებაჲ, ვითარ ქრისტჳს რჩეულმან, შეიწყნარენ, და
მაზდეანთა ბომონნი ამალლებითა პატიოსანისა ჯუარისაჲთა
დაამჯუე, და ცეცხლ-მსახურნი განასხნე, ეგრეთვე აწ მტერთა ჩუენთა
მზაკუვარებაჲ განაქარვე და წინა-აღდგომაჲ მათი დაჯსენ.

წმიდაო, დიდო კეთილმსახურო მეფეო ვახტანგ გორგასლანო,
ევდრე ღმერთსა ჩუენთჳს.

ვითარცა განაქარვე შენ ცეცხლთაყუანისმცემელთა საცთური და კარი სარწმუნოებისად განუღე მრავალთა ერთა, ეგრეთვე აწ მგალობელთა შენთაგან განსდევნე ბნელი ჭირთა და განსაცდელთა მრავალსახეთად და გვკსენ ვნებათაგან.

დიდებად მამასა და ძესა და წმიდასა სულსა,

სიბრძნითა, კეთილმოქმედებითა და მკნეობითა, ვახტანგ, მეფეო წმიდაო, წინააღმდგომნი შენნი საკვრველად მოამშჳდე, ხოლო ურთიერთას განდგომილნი მთავარნი და დიდებულნი სიყუარულითა ღმრთისა და მამულისადათა ერთ-ზრახვად შეჰკარ და შეამტკიცე.

აწ და მარადის და უკუნითი უკუნისამდე, ამინ.

მოქალაქობისაგან წმიდისა განვვარდი, ყოვლადწმიდაო, და ვებაძუე პირუტყვთა და ყოვლითურთ დაშჯილ ვიქმენ, მშობელო მსაჯულისაო, ყოვლისაგან დაშჯისა მიკსენ და მაცხოვნე მე.

გვკსნენ განსაცდელთაგან მაქებელნი შენნი, ღუაწლით შემოსილო დიდო მეფეო, წმიდაო ვახტანგ გორგასლანო, რამეთუ ჩუენ ყოველნი შენდა მოვივლტით, ვითარცა უძლეველისა ზღუდისა და შუამდგომელისა.

მოიხილე ჩუენ ზედა, ღუაწლისა მძლეო, დიდო მეფეო წმიდაო ვახტანგ გო-რგასლანო, და ჯორცთა ჩუენტა წყლულებანი ბოროტნი განჰკურნენ და სულისა ჩუენისა სნეულებანი.

მღდელმან: შეგვწყალოენ ჩუენ, ღმერთო, დიდითა წყალობითა შენითა, გევედრებით, ისმინე და შეგვწყალოენ.

გუნდი: უფალო, შეგვწყალოენ (3-გ ზის).

მღდელომან: მერმეცა გევედრებით ღმრთივდაცულისა ერისა ჩუენისა და მეუფებისა მისისათვის (ქრისტესმოყუარისა მთავრობისა და მკედრობისა მისისათვს).

გუნდი: უფალო, შეგჯწყალოენ (3-გ ზის).

მღდელომან: მერმეცა გევედრებით უწმიდესისა და უნეტარესისა, სრულიად საქართველოს კათოლიკოს-პატრიარქისა, მცხეთათბილისის მთავარეპისკოპოსისა და ბიჭვინთისა და ცხუმ-აფხაზეთის მიტროპოლიტისა, დიდისა მეუფისა, მამისა ჩუენისა ილიასასათვს და ყოვლადუსამღდელოესისა (მოიხსენეთ ადგილობრივი მღდელოთმთავარი), და ყოველთა ქრისტეს მიერ ძმათა ჩუენტათვს.

გუნდი: უფალო, შეგჯწყალოენ (3-გ ზის).

მღდელომან: მერმეცა ვევედრნეთ უფალსა ღმერთსა ჩუენსა, რაათა შეიწყალოს მონა ანუ მკევალი... განამრავლოენ, უფალო, ჟამნი და წელნი ცხოვრებისა მათისანი და იკსენ იგინი, უფალო, ყოვლისაგან ჭირისა, რისხვსა და იწრო-ებისა, და ყოვლისაგან წყლულებისა სულისა და ჯორცთადასა და მიუტევენ მათ ყოველი შეცოდებანი მათნი, ნებსითნი და უნებლიეთნი.

გუნდი: უფალო, შეგჯწყალოენ (3-გ ზის).

მღდელომან: მერმეცა გევედრებით ყოველთა მართლმადიდებელთა ქრისტეანეთათვს.

გუნდი: უფალო, შეგჯწყალოენ (3-გ ზის).

მღდელომან: რამეთუ მოწყალე და კაცთმოყუარე ღმერთი ხარ, და შენდა დიდებასა აღვალოენთ, მამისა, და ძისა, და წმიდისა სულისა, აწ და მარადის და უკუნითი უკუნისამდე.

გუნდი: ამინ.

წარდგომა, ჯმაი 4

დიდებულებად შენი ვინმე მიუთხრნეს, ზ, სახელოვანო მეფეო ქართველთაო! რამეთუ დასთხიე სისხლი შენი ქრისტესთვს, და არა ჰრიდე თავსა შენსა მისთვს, აწ ითხოვე ყოვლისა სოფლისათვის მშვდობით დაცვად, ნეტარო ვახტანგ გორგასლანო, და ერსა ჩუენსა - ძლევად და დამტკიცებად მართმადიდებლობისად ქრისტეს ღმრთისაგან--, და სულთა ჩუენტა დიდი წყალობად.

დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

უსძლოო ღმრთისმშობელო, ქალწულო წმიდაო, მხოლოო მორწმუნეთა შუამდგომელო, დაგვფარენ განსაცდელთა და ჭირთაგან, და ბოროტის გარემოდგომილებისა გვკსნენ ყოველნი, უბიწოო, რომელთა ყოველი სასოებად შენ ზედა დაგვძს, და აცხოვნენ სულნი ჩუენნი საღმრთოდთა ვედრებითა შენითა.

გალობა 4, უფალო მესმასა

ძლისპირი: მესმა, უფალო, განგებად საიდუმლოთა შენთა გამოუთქუმელთად, განვიცადენ საქმენი შენნი და აღვიარე მე ღმრთეებად შენი.

წმიდაო, დიდო კეთილმსახურო მეფეო ვახტანგ გორგასლანო, ევედრე ღმერთსა ჩუენტვს.

ეჩუენე აღჭურვილი ჯუარითა უშჯულოთა მძლავრთა, და სძლე ძალითა ჯუარცმულისადათა, მას ევედრე, წმიდაო, მგალობელთა შენთათვს კსნად განსაცდელთაგან ბოროტისა.

წმიდაო, დიდო კეთილმსახურო მეფეო ვახტანგ გორგასლანო, ევედრე ღმერთსა ჩუენტვს.

უშიშ იყავ, ვითარცა უჯორცოდ და ზახებასა მტერთასა არა შეშინდი, არამედ წინა-ალუდეგ მძლავრთა და დაარღვიე ყოველივე უღმრთოებისა საცთური.

დიდებად მამასა და ძესა და წმიდასა სულსა,

რომელი ცათა შინა განისუენებ, და მკედრობათა თანა ანგელოზთასა წინაშე მეუფისა სდგა, აწ ითხოვე მისგან მაგალობელთა შენთათვს გამოჯსნად ყოველთა ჭირთა და ღელვათაგან მძვნვარეთა.

აწ და მარადის და უკუნითი უკუნისამდე, ამინ.

ცისკროვან-ჰყავ სული ჩემი, დაბნელებული შეცოდებათა სიმრავლითა, რომელმან ჰშევ მზჭ სიმართლისაჲ, მარადის ქალწულო.

გალობა 5, ღამითგანსა

ძლისპირი: განგუანათლენ ჩუენ ნათლითა შენითა, უფალო, და მკლავითა მალლითა მორწმუნეთა მშვიდობაჲ შენი ზეცით მომეც ჩუენ, კაცთ-მოყვარე.

წმიდაო, დიდო კეთილმსახურო მეფეო ვახტანგ გორგასლანო, ევედრე ღმერთსა ჩუენთვს.

იხილა დაფარულთა მხილველმან, დაფარულნი და ცხადნი სათნოებანი შენნი და გამოაბრწყინვა, კაცთა შორის საკვრველო მეფეო ვახტანგ, ვითარცა ნათელი მზისაჲ, საქმენი შენნი.

წმიდაო, დიდო კეთილმსახურო მეფეო ვახტანგ გორგასლანო, ევედრე ღმერთსა ჩუენთვს.

უნათლეს მზისა ბრწყინავ შენ, ჭემმარიტებისა მეძიებელთა წინამძღუარო და ღამპარო, და ჰნათობ ყოველთა კიდეთა ქუეყანისა ჩუენისათა, დაუვსებელისა ნათლისა მიფენითა.

დიდებად მამასა და ძესა და წმიდასა სულსა,

გამოუჩნდი ვითარცა მთიები ქუეყანასა შენსა, და განაცისკროვნე ღამწ სპარსთა საცთურებისად, ეგრეთვე აწ მომეც გულისწმის-ყოფად შეცოდებათა ჩემთად და მივსენ მარადის საბრწყეთაგან ეშმაკისადთა და მზაკუვარებათაგან კაცთადსა.

აწ და მარადის და უკუნითი უკუნისამდე, ამინ.

მეობ-გუეყავ, ძისა შენისა, ღმრთისმშობელო, რადთა გარდამოგვვლინოს სიმრავლწ მოწყალებათად, ვითარცა გაქუს კადნიერებად.

გალობა 6, ღალადყავსა

ძლისპირი: ვედრებასა ჩემსა განვჰფენ უფლისა მიმართ და მას აუვარებ ბრალთა ჩემთა მარადის, რამეთუ ბოროტითა აღივსო სული ჩემი და სიმტკიცე ჩემი ჯოჯოხეთად მიიწია, და იონადსებრ ვღალადებ: აღმომიყუანე მე, ღმერთო ჩემო, უფსკრულისაგან ცოდვისა.

წმიდაო, დიდო კეთილმსახურო მეფეო ვახტანგ გორგასლანო, ევედრე ღმერთსა ჩუენთს.

სურვილი წმიდისა მეფისა მირიანისი აღასრულე და მონასტერი ჯუარისად იერუსალწმსა შინა ღმრთივბრწყინვალედ აღმართე, ხოლო ქუეყანასა შენსა აღაშენე დიდებულნი საყდარნი და მონასტერნი, და ეკლესიად მოციქულთად სუეტი ცხოველი განაახლე და შეამკვე.

წმიდაო, დიდო კეთილმსახურო მეფეო ვახტანგ გორგასლანო, ევედრე ღმერთსა ჩუენთს.

რომელმან ივერიელთა მტერობისთვს ყოველნი შეამრწუნე და დაამკჷე, ხოლო ღირსებად და დიდებად ერისა შენისად აღამალლე, აწ

სიმკნწ, სიბრძნწ და მძლეველობად ყოველთა მაჭირვებელთა ზედა გარდამოგვივლინე და დაცსნილებისა წყუდიადი განწადე.

დიდებად მამასა და ძესა და წმიდასა სულსა,

დააფუძნე რად ტფილის-ქალაქი ჩუენი დიდებული, საძირკველად სულიერად დაუდე წმიდანი ეკლესიანი მსგავსად იერუსალწმისა: გეთსემა-ნიად - კლდესა ზედა მეტეხისასა, წმიდისა ჯურისად, ვითარცა გოლგოთად, ბეთლემი - ნარიყალასა და სიონი - მარჯვენესა კბოდესა მდინარისა მტკურისასა, და იქმენ მფარველ დედა-ქალაქისა.

აწ და მარადის და უკუნითი უკუნისამდე, ამინ.

განკურნე უკურნებელი, უძლური, დაპყრობითა სიბოროტისადთა, მძწვარედ მოწყლული გული ჩემი, ყრმააო, და შენმიერსა კურნებასა ღირს-მყავ და მაცხოვრე მე, მოსავი შენი მეოხებითა შენითა, ყოვლადწმიდაო.

გკწსნენ განსაცდელთაგან მაქებელნი შენნი, ღუაწლით შემოსილო დიდო მეფეო, წმიდაო ვახტანგ გორგასლანო, რამეთუ ჩუენ ყოველნი შენდა მოვივლტით, ვითარცა უძლეველისა ზღუდისა და შუამდგომელისა.

მოიხილე ჩუენ ზედა, ღუაწლისა მძლეო, დიდო მეფეო წმიდაო ვახტანგ გო-რგასლანო, და ჯორცთა ჩუენტა წყლულებანი ბოროტნი განკურნენ და სულისა ჩუენისა სნეულებანი.

მღდელმან: მერმე და მერმე მშუდობით უფლისა მიმართ ვილოცოთ.

გუნდი: უფალო, შეგწყალენ.

მღდელმან: შეგუეწიენ, გუაცხოვრენ, შეგწყალენ და დაგკცვენ ჩუენ, ღმერთო, შენითა მადლითა.

გუნდი: უფალო, შეგჯნყალონ.

მღდელომან: ყოვლაღმინისა, უბრწუნელისა, უფროსად კურთხეულისა, დიდებულისა დედოფლისა ჩუენისა ღმრთისმშობელისა, და მარადის ქალწულისა მარიამისა, და ყოველთა წმიდათა მომკსენებელთა, თავნი თჳსნი და ურთიერთარს, და ყოველი ცხორებაჲ ჩუენი ქრისტესა ღმერთსა ჩუენსა შევედროთ.

გუნდი: შენ, უფალო.

მღდელომან: რამეთუ შენ ხარ მეუფე მშჳდობისაჲ, და მაცხოვარი სულთა ჩუენთაჲ, და შენდა დიდებასა აღუავლენთ მამისა, და მისა, და წმიდისა სულისა, აწ და მარადის, და უკუნითი უკუნისამდე,

გუნდი: ამინ.

კონდაკი

ღუაწლი კეთილი მოიღუაწე სრულითა სარწმუნოებითა ქრისტესითა და ცეცხლმსახურნი განასხენ საღმრთოთა გულსმოდგინებითა, ხოლო კლდეთა ზედა მაღალთა და ადგილთა მათ წმიდათა აღაშენე ეკლესია-მონასტერნი და განამაგრე ციხენი და ქალაქნი უბრძოლველნი, დიდებით დიდებულო, ვინაჲცა გზრგზნი სიმართლისაჲ ღირსად მიიღე და მსხუერპლად სათნოდ ღმრთისა შეიწირე, მას ევედრე ჳსნად ჩუენდა ყოვლისაგან ჳირისა და საფრჯეთაგან მტერისაჲთა, რომელნი გიღაღადებთ: გიხაროდენ, კაცთა შორის საკვრველო მეფეო და ახოვანო მოღუაწეო, წმიდაო ვახტანგ გორგასლანო!

იკოსი

ზეგარდამო მოვლენილო განწმედისათჳს ერისა შენისაო და გაძლიერებისათჳს იბერიისაო, რომელმან ერსა შენსა გვიქადაგე და განგვიჩინე: „მტკიცედ სარწმუნოებასა ზედა სდეგით და ეძიებდით

ქრისტესთვის სიკუდილსა“, ლმობიერ ჰყვენ გულნი ჩუენნი ფიცხელნი აწ ტკბილითა წყალობითა შენითა და წარმართენ სლვანი ჩუენნი გზასა სამეუფოსა, რადთამცა მივემთხვივნეთ მადლსა და წყალობასა მეოხებითა შენითა და ვიტყოდეთ ძალისაებრ ჩუენისა: გიხაროდენ, კაცთა შორის საკვრველო მეფეო და ახოვანო მოლუაწეო, წმიდაო ვახტანგ გორგასლანო!

მღდელომან: მოხედენ, სიბრძნით. წარდგომაჲ, ჳმაჲ 4

და აღვამაღლო რჩეული ერისაგან ჩემისა.

მუხლი: ამისთვის გცხო შენ ღმერთმან, ღმერთმან შენმან.

მღდელომან: უფლისა მიმართ ვილოცოთ.

გუნდი: უფალო, შეგჳწყალებ.

მღდელომან: რამეთუ წმიდა ხარ შენ, ღმერთო ჩუენო, და რომელი წმიდათა შორის განისუენებ, და შენდა დიდებასა აღვაგლენთ, მამისა, და ძისა და წმიდისა სულისა, აწ და მარადის, და უკუნიითი უკუნიისამდე,

გუნდი: ამინ.

მღდელომან: ყოველი სული აქებდით უფალსა.

მუხლი: აქებდით ღმერთსა წმიდათა შორის მისთა, აქებდით მას სამყაროთა ძალისა მისისათა.

მღდელომან: ღირსყოფად ჩუენდა სმენად წმიდისა სახარებისა უფალსა ღმერთსა ჩუენსა ვევედრნეთ.

გუნდი: უფალო, შეგჳწყალებ (3-გზის).

მღდელომან: სიბრძნით აღემართენით და ისმინეთ წმიდა სახარება, მშჳდობაჲ ყოველთა.

გუნდი: და სულისაგა შენისა თანა.

მღდელმან: იოანესაგან წმიდისა სახარებისა საკითხავი.

გუნდი: დიდებაჲ შენდა, უფალო, დიდებაჲ შენდა.

მღდელმან: მოხედენ.

სახარება იოანესი

ჰრქუა უფალმან მოსრულთა მათ ჰურიათა, მე ვარ კარი: ჩემ მიერ თუ ვინმე შევიდეს, ცხონდეს; შევიდეს და გამოვიდეს და საძოვარი ჰპოვოს. ხოლო მპარავი იგი არა მოვიდეს, არამედ რადთა იპაროს, და დაკლას და წარწყმიდოს. ხოლო მე მოვედ, რადთა ცხორებაჲ აქუნდეს და უმეტესი აქუნდეს. მე ვარ მწყემსი კეთილი: მწყემსმან კეთილმან სული თვისი დადვის ცხოვართათვს. ხოლო სასყიდელით დადგინებულმან და რომელი არა არნ მწყემსი, რომლისა არა არიედ ცხოვარნი თვისნი, იხილის-რად მგელი მომავალი, დაუტევნის ცხოვარნი და ივლტინ, და მგელმან წარიტაცნის იგინი და განაზნინის ცხოვარნი. ხოლო სასყიდლით დადგინებული იგი ივლტინ, რამეთუ სასყიდლით დადგინებულ არნ, და არარად სჭირნ მას ცხოვართათვს. მე ვარ მწყემსი კეთილი და ვიცნი ჩემნი იგი, და მიციან ჩემთა მათ. ვითარცა მიცის მე მამამან, ვიცი მეცა მამად და სულსა ჩემსა დავსდებ ცხოვართათვს. და სხუანიცა ცხოვარნი მიდგან, რომელნი არა არიან ამის ეზოდსაგანნი; იგინიცა ჯერ-არიან მოყუანებად ჩემდა, და ჳმისა ჩემისად ისმინონ და იყვნენ ერთ სამწყსო და ერთ მწყემს.

გუნდი: დიდებაჲ შენდა, უფალო, დიდებაჲ შენდა.

დიდებაჲ მამასა და ძესა და წმიდასა სულსა.

მეოხებითა ყოვლად ქებულისა დიდისა მეფისა ვახტანგისაჲთა, მოწყალეო, აღჯოცენ ცოდვათა ჩუენთა სიმრავლენი.

აწ და მარადის და უკუნითი უკუნისამდე, ამინ.

მეოხებითა წმიდისა ღმრთისმშობელისადათა, მოწყალეო, აღკოცენ ცოდვათა ჩუნთა სიმრავლენი.

მიწყალე მე, ღმერთო, დიდითა წყალობითა შენითა და მრავლითა მოწყალებითა შენითა, აღკოცე უმჯულოებად ჩემი და შემიწყალე მე, ღმერთო.

გერი: დღეს განათლდების ივერთა ეკლესიად დიდებითა შენითა და იხარებს და განსცხრების კრებული მორწმუნეთად მომკსენებელი ღუაწლისა შენისად და ითხოვს წყალობასა, #, მართლმადიდებელთა გზრგზნო და სიქადულო, კეთილმსახურო მეფეო, წმიდაო ვახტანგ, ითხოვე ქრისტჳს მიერ შეურყეველად დაცვად ეკლესიათად, და მოცემად ჯუარითა ძლევად ერსა ჩუნსა, სიმტკიცჳ მორწმუნეთა და ამალღებად რქისა მათისად, მწვალებელთა მათ ზედა, მშჳდობად სოფელსა და მგალობელთა შენთა დიდი წყალობად.

მღდელომან: აცხოვნე, ღმერთო, ერი შენი, და აკურთხე სამკჳდრებელი შენი, მოხედენ სოფელსა შენსა წყალობითა და მოწყალებითა, აღამალღე რქად ქრისტეანეთა მართლმადიდებელთად, და გარდამოავლინენ ჩუნ ზედა მდიდარნი წყალობანი შენი, მეოხებითა ყოვლადწმიდისა დედოფლისა ჩუენისა ღმრთისმშობელისა, და მარადის ქალწულისა მარიამისადათა, ძლიერებითა პატიოსნისა და ცხოველსმყოფელისა ჯუარისადათა, ძლიერებითა ჯუარისა ვაზისადათა; მეოხებითა პატიოსანთა უსხეულოთა ზეცისა ძალთადათა, პატიოსნისა, დიდებულისა, წინადასწარმეტყუელისა, წინამორბდისა და ნათლისმცემელისა იოანესითა, წმიდისა წინასწარმეტყუელისა ილია თეზბიტელისა და მართლისა ენუქისითა, წმიდათა დიდებულთა, და ყოვლადქებულთა მოციქულთა თავთა, პეტრესა და პავლესითა, წმიდისა მოციქულისა თომასი და საქართველოს განმანათლებელთა მოციქულთა: ანდრია პირველწოდებულისა, სვიმონ კანანელისა და მატათასითა; წმიდისა დედისა ჩუნისა, მოციქულთა სწორისა ქალწულისა ნინოდსითა, წმიდა მოციქულთა სწორთა: მეფისა

მირიანისა და დედოფლისა ნანადსითა; წმიდათა შორის მამათა
 ჩუენთა, და მსოფლიოთა დიდთა მოძღუართა და
 მღდელთმთავართა, ბასილი დიდისა, გრიგოლი
 ღმრთისმეტყუელისა, და იოვანე ოქროპირისადათა; წმიდათა შორის
 მამისა ჩუენისა ნიკოლოზ მრონლოუკის მთავარეპისკოპოსისა და
 საკვრველთმოქმედისადათა და წმიდათა დიდებულთა და ღუაჩლისა-
 მძლეეთა მოწამეთა: წმიდისა მთავარმოწამისა ძლევაშემოსილისა
 გიორგისა და წმიდისა დიდისა მოწამისა აბო ტფილელისაითა;
 წმიდათა დიდთა ქალწულ-მოწამეთა ბარბარესა და მარინესითა;
 წმიდისა მთავარმოწამისა ბიძინასი და მოწამეთა შალვა და
 ელიზბარი ქსნის ერისთავთადათა; მღდელ-მოწამისა ნეოფიტე
 ურბნელისა და წმიდათა დიდებულთა მოწამეთა არგვეთისა
 მთავართა დავით და კონსტანტინწსა; წმიდისა დიდისა მოწამისა
 შალვა ახალციხელისადათა, წმიდათა ათთა-ბევრთა მოწამეთა,
 ტფილისს ხუარაზმელთაგან მოწყუედილთა და წმიდათა მოწამეთა
 ექვსი ათასთა გარეჯელთა ბერთა; წმიდათა კეთილად მძლეეთა
 მეფეთა და დედო-ფალთა: არჩილ, დემეტრე, შუშანიკ, ქეთევან და
 ლუარსაბისადათა; წმიდათა კეთილ-მორწმუნეთა და დიდთა მეფეთა
 ჩუენთა: აშოტ კურაპალატისა, დავით აღმაშენებელისა და
 სოლომონისადათა; წმიდისა და კეთილმსახურისა მეფისა
 თამარისითა; ღირსთა მამათა ჩუენთა ათონელთა: იოვანესი,
 გაბრიელისა, იოვანე-თორნიკისა, ეფთვიძისა და გიორგისადათა;
 ღმრთივ-განბრძნობილთა ნეტართა მამათა: ილარიონ ქართველისა,
 სერაპიონ ზარზმელისა და გრიგოლ ხანძთელისადათა; წმიდათა
 სანატრელთა მამათა ჩუენთა: ლუკიანე, დოდო, დამიანე, ონოფრე და
 სუმეონ გარეჯელთა; წმიდისა ღირსისა მამისა ჩუენისა იოანე
 ზედაზნელისა და ათორმეტთა მისთა მოწაფეთა, მეორედ
 განმანათლებელთა საქართველოს ეკლესიისა და მარად მფარველთა
 მისთა, და მოწაფეთა შორის ღირსისა მამისა ჩვენისა დავით
 გარეჯელისადათა; წმიდისა ილია მართლისადათა; წმიდათა და
 მართალთა მშობელთა ღმრთისმშობელისა იოაკიმ და ანნადსითა და
 წმიდისა მეფისა ვახტანგ გორგასლანისადათა და ყოველთა წმიდათა

შენთადთა გევედრებით შენ, მრავალმოწყალო ღმერთო, შეისმინე ჩუენ ცოდვილთა ვედრებაჲ, და შეგჳწყალებ ჩუენ.

გუნდი: უფალო, შეგჳწყალებ (12-გ ზის).

მღდელომან: წყალობითა და მოწყალებითა და კაცთმოყუარებითა მხოლოდშობილისა ძისა შენისაჲთა, რომლისა თანა კურთხეულ ხარ, თანა ყოვლაღწმიდით, სახიერით, და ცხოველსყოფელით სულით შენითურთ, აწ და მარადის და უკუნითი უკუნისამდე.

გუნდი: ამინ.

გალობა 7, კურთხეულარსა

ძლისპირი: ყრმანი ებრაელნი საჯუმილსა შინა ვიდოდეს ცეცხლსა ზედა კადნიერებით შეცურეულნი დადადებდეს და იტყოდეს: კურთხეულ ხარ შენ, უფალო ღმერთო, უკუნისამდე.

წმიდაო, დიდო კეთილმსახურო მეფეო ვახტანგ გორგასლანო, ევედრე ღმერთსა ჩუენთჳს.

ვითარცა არცხვინე შენ მძლავრთა მათ უკეთურთა, ეგრეთვე აწ დაამკუნე მაჭირვებელნი ჩუენნი, ახოვანო მეფეო ქართველთაო, რომელნიცა მტრობენ ღუაწლ-დიდებულსა ერსა შენსა.

წმიდაო, დიდო კეთილმსახურო მეფეო ვახტანგ გორგასლანო, ევედრე ღმერთსა ჩუენთჳს.

მეფეო, ქრისტესა შედგომილო, იმეოხენ წინაშე მისა, მოჰმადლოს ქართველთა სარწმუნოებაჲ შენებრი, და დაიფაროს ქუეყანაჲ ივერიისაჲ წვალებისაგან და სჯულისაგან უცხოჲსა.

დიდებაჲ მამასა და ძესა და წმიდასა სულსა,

ვითარცა მამასა ქართველთა ერისასა ესრეთ გქადაგებთ შენ, და მკურვალედ გიღალადებთ: დედანი და დანი ჩუენნი იქსენ ვნებათაგან ყოვლად წარმწყმედელთა და ურცხვინოებისაგან დაიფარე.

აწ და მარადის და უკუნითი უკუნისამდე, ამინ.

ნებითა ჩემითა შეცოდებული და დამონებული ჩვეულებისაგან უჯეროდსა, მოწყალებისა მომართ შენისა მოვივლტი განწირული, მაცხოვნე, ყოვლადწმიდაო ღმრთისმშობელო.

გალობა 8, აკურთხევდითსა

ძლისპირი: შუდწილ ალაგზნა საკუმილი, მძლავრმან ქალდეველმან ყრმათათჳს გულისწყრომითა, და რისხვითა, და ძალითა მალლისაძთა იხილნა უვნებელად დაცულნი ცეცხლისაგან განუხრწნელად, და დამბადებელისა მიმართ და მქსნელისა ღალად-ყო: აკურთხევდით ყრმანი, და მღდელნი უგალობდით, ერნი უფროდსად ამაღლებდით მას უკუნისამდე.

წმიდაო, დიდო კეთილმსახურო მეფეო ვახტანგ გორგასლანო, ევედრე ღმერთსა ჩუენტჳს.

მწყემსო კეთილო პირმეტყუელთა ცხოვართაო, ემსგავსე შენ მნესა მას გონიერსა და მიიღე ტალანტი უფლისა შენისა და განამრავლე იგი და მიუძღუანე მრავალწილად მომნიჭებელსა, მას ევედრე, ღირსო, მოგუანიჭოს მწყემსი სარწმუნოჲ და მართალი, მმართველად და წინამძღურად, ვითარცა დავით ისრაელთა.

წმიდაო, დიდო კეთილმსახურო მეფეო ვახტანგ გორგასლანო, ევედრე ღმერთსა ჩუენტჳს.

აწ მთავარნი უსჯულოებისანი აღძრულ არიან ჩუენ ზედა, და ილუწიან განხრწნასა და აღსპობასა ერისა ჩუენისასა, ხოლო ჩუენ

ვეძიებთ ღონესა განრინებად მძლავრებისა მისგან, დიდებულო, და ვედრებითა ვითხოვთ შენგან შეწევნასა, რადთა უღმრთოთა ნებისაებრ არა მივიდრიკოთ უსჯულოებისადმი და ბჭენი სასუფეველისანი არა დაგვეხშას სამწყსოთა შენთა.

დიდებაჲ მამასა და ძესა და წმიდასა სულსა,

ვითარი ზარი დაეც მძინარესა ერსა შენსა, სულითა განბრძნობილო, და განაღვძებდი ღრმისა ძილისაგან, ეგრეთვე აწ მოგვეფინე მადლი ლოცვისა შენისაჲ, დიდებით დიდებულო, და შეჰკრიბე განბნეული ერი ქართველთაჲ, რადთა მსწრაფლ განვლვძოთ მსგავსად ნინეველთაჲსა და ერთობით ვილოცოთ გადარჩენისათჳს საქართველოჲსა.

აწ და მარადის და უკუნითი უკუნისამდე, ამინ.

თუალნი სულისა ჩემისანი გარდასლვთა დაბრძობილნი, ღმრთისმშობელო, განანათლენ, გონებაჲ და გული მრავალ-ხატითა აღშფოთებული დაამშვდენ, გვეედრები, მაცხოვრე მე მგალობელი: ყრმანი და მღდელნი უგალობდით, ერნი უფროდსად ამაღლებდით მას უკუნისამდე.

გალობა 9, ადიდებადითსა

ძლისპირი: განკვრდეს ზესკნელს ცანი, და კიდენი ქუეყანისანი შემრწუნებულ იქმნეს, რაჟამს ღმერთი შენ მიერ კაცთა გამოუბრწყინდა და საშოდ შენი უმაღლეს ცათა საყდართა გამოაჩინა. ამისთჳს, ღმრთისმშობელო, ანგელოზნი და კაცნი, ვითარცა ღირს ხარ, გადიდებენ შენ.

წმიდაო, დიდო კეთილმსახურო მეფეო ვახტანგ გორგასლანო, ევედრე ღმერთსა ჩუენთჳს.

მოგწყლეს რად ბრძოლასა შინა სპარსთა, დამძიმდი ფრიად სიკუდიდ, სკიპტრისმპყრობელთა შორის უსაჩინოესო, და წესი ღმრთივსულიერი დაუტევე ერსა შენსა, რადთა მტკიცედ დგენ სარწმუნოებასა ზედა და ეძიებდენ ქრისტესთვს სიკუდილსა, რადთა მოიგონ წარუვალი დიდებად.

წმიდაო, დიდო კეთილმსახურო მეფეო ვახტანგ გორგასლანო, ევედრე ღმერთსა ჩუენთვს.

მოიკალ რად ჯელითა სპარსთადთა, ზ, ტკბილო მამაო ქართველთაო, ზეცისა მკედრობათა თანა ბრწყინვალედ განშუენებული წარმოუდეგ ქრისტესა, აწ ითხოვე მისგან მაგალობელთა შენთათვს გამოცნაად ღელვათაგან მძვნვარეთა, რომელთა აღგძრავს მტერი იგი მოშურნწ, და ღირს-გვევენ შენთანა სიხარულსა დაუსრულებელსა.

დიდებად მამასა და ძესა და წმიდასა სულსა,

ოდეს აღესრულე უჯარმასა, უძლეველო წინამბრძოლო ერისა ჩუენისაო, პატიოსანი გუამი შენი დაკრძალეს „დედასა ყოველთა ეკლესიათასა - სუეტიცხოველსა“, გარნა ძალითა ქრისტესითა სიკუდილისა შემდგომადცა ყოველთა მვედრებელთა შენთა მიჰმადლებ უხვსა საბოძვარსა წყაროდსაგან ულევისა მადლისა.

აწ და მარადის და უკუნითი უკუნისამდე, ამინ.

ყოველთა შემოქმედი და უფალი, მიდგომილმან შევ უკუე, ქალწულო, და აჰა, აწ მდგომარე ხარ მარჯუენით მამისა, ვითარცა დედოფალი, წმიდაო, ამისთვსცა გვევედრებით შენ, ნაწილისაგან მარცხენისა მიჰსენ მე დღესა შინა სასჯელისასა და მარჯვენითა ცხოვართა თანა აღმრაცხე.

ღირს არს ჭემმარიტად, რადთა გადიდებდეთ შენ, ღმრთისმშობელო, რომელი მარადის სანატრელ იქმენ, ყოვლად უბიწოდ და დედად ღმრთისა ჩუენისა, უპატიოსნესსა ქერუბიმთასა და აღმატებით

უზესთაესსა სერაბიმთასა, განუბრწნელად მშობელსა სიტყვსა ღმრთისასა, მხოლოსა ღმრთისმშობელსა გალობით გადიდებდეთ.

მღდელომან აკმიოს

ჟ, დიდებული სიმკნც შენი, სწორუპოვარო მეფეო ქართველთაო, ახოვნებად სულისადა და სიმტკიცც გონებისადა და დიდ-სულობადა ყოველსა შინა, სიწრფოებადა გულისადა და სიბრძნც მდიდარი და წყურილი ქრისტცსთვს სიკუდილისა, ამისთვს ცათა შინა მიიღე გვრგვნი დიდებისადა და მადლი ჭირთაგან ვსნისადა და უძლურთა კურნებისადა.

აჰა, სამარხოდა ძუალთა შენთადა გვაქუს მორწმუნეთა ზღუდედა სიმტკიცისადა, საუნჯედა მადლისადა და ეშმაკთა მაოტებელადა, ამისთვს გული გვთქმს მისლვად სუეტიცხოველსა, რადათა სიწმიდც ესე მჭურვალედა შევიტკბოთ და კურნებადაცა აღმოვივსოთ მაქებელთა შენთა.

ჟ, ღირსო მეფეო, ვახტანგ სანატრელო, ჰსუფევ წინაშე ქრისტცსსა ელვითა სულისადათა განათლებული და დიდთა მათ ღუაწლთა შენთა სიმტკიცითა შემკული; იმეოხენ წინაშე მისსა, განგვიმრავლდეს ყოვლისა ქართველთ ზნეობითა სრულ-ყოფილნი ერის-მძღუარნი, რადათა ზრუნვიდეს ერისა ჩუენისათვს და ჳმითა მადლობისადათა ჳნატრიდეს სიმკნეთა შენთა.

ჟ, საჩინოო, ბრძენ-მკნეო, მეფეო ბრწყინვალეო, ვითარცა სჰარსთა მრავალ ღონენი დააცხრვენ ჭირთა მძვნვარებანი, მოწევნადი ერსა შენსა ზედა, ეგრეთვე აწ გარე წარაქციე ყოველნი მტერნი და მაჭირვებელნი ჩუენნი, რომელთა განიგდეს წილი სამკვდრებელსა ჩუენსა ზედა და აღგვ-დგუნე მამული ჩუენი - საქართველო - პირველსავე დიდებასა და დაიცევ სახლეულნი მისნი უცხო თესლთა ზედა მოსლვისაგან.

ზ, ლუაწლით შემოსილო მეფეო, წმიდაო ვახტანგ გორგასლანო, ვითარცა ძუელად აჩუენე საკვრველი მფარველობად ერსა შენსა, ეგრეთვე აწ შეგვაწყნარე მფარველსა ერისა ჩუენისასა, ქალწულსა მარიამს, რადთა არა ვიქმნეთ საყუედრელ და საცინელ მტერთა ჩუენთა, წმიდაო, არამედ მამულისა ჩუენისა კაცთა წესისაებრ, სამწმიდა-არსობისა გალობითა ვადიდებდეთ ღმერთსა:

წმიდაო ღმერთო, წმიდაო ძლიერო, წმიდაო უკუდაო, შეგვწყალენ ჩუენ (3-გზის).

დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

ყოვლადწმიდაო სამებაო, შეგვწყალენ ჩუენ; უფალო, გვკსენ და გვლხინე ცოდვათა ჩუენთაგან; მეუფეო, შეგვნდვენ უმჯულოებანი ჩუენნი; წმიდაო მოიხილე და განკურნენ უძლურებანი ჩუენნი სახელისა შენისათვს. უფალო, შეგვწყალენ (3-გზის).

დიდებად მამასა და ძესა და წმიდასა სულსა, აწ და მარადის და უკუნითი უკუნისამდე, ამინ.

მამაო ჩუენო, რომელი ხარ ცათა შინა, წმიდა იყავნ სახელი შენი, მოვედინ სუფევად შენი, იყავნ ნებად შენი, ვითარცა ცათა შინა, ეგრეცა ქუეყანასა ზედა, პური ჩუენი არსობისად მომეც ჩუენ დღეს, და მომიტევენ ჩუენ თანანადებნი ჩუენნი, ვითარცა ჩუენ მიუტევებთ თანამდებთა მათ ჩუენთა და ნუ შემიყუანებ ჩუენ განსაცდელსა, არამედ მიკსნენ ჩუენ ბოროტისაგან.

მღდეღმან: რამეთუ შენი არს სუფევად...

მიწყალენ ჩუენ, უფალო, შემიწყალენ ჩუენ, რამეთუ ყოვლისავე სიტყვს მიცემისაგან უღონო ვართ, გარნა ამას ვედრებასა შენ, მეუფისა სახიერისა, ცოდვილნი ესე შევსწირავთ. მიწყალენ ჩუენ, უფალო, შემიწყალენ ჩუენ.

დიდებად მამასა და ძესა და წმიდასა სულსა,

უფალო, შემიწყალენ ჩუენ, რამეთუ შენ გესავთ, ნუ განმირისხდები ჩვენ ფრიად, და ნუცა მოიკსენებ უშჯულოებათა ჩუენტა, არამედ მოიხილე ჩუენზედა წყალობითა, ვითარცა სახიერ ხარ, და გვკსენ ჩუენ სამართლად რისხვისაგან შენისა, რამეთუ შენ ხარ ღმერთი ჩუენი, და ჩუენ ვართ ერნი შენნი, ყოველნივე ქმნულნი ხელთა შენთანი ვართ და სახელი შენი წოდებულ არს ჩუენ ზედა და შემიწყალენ ჩუენ.

აწ და მარადის და უკუნითი უკუნისამდე, ამინ.

მოწყალებისა კარი განგვლე, კურთხეულო ღმრთისმშობელო, რადთა, რომელნი ესე შენ გესავთ, არა დავეცნეთ, არამედ განვერნეთ წინააღმდეგომთა მტერთაგან, რამეთუ შენ ხარ ცხორებად ნათესავისა ქრისტეანეთადასა.

მღდელომან: შეგვწყალენ ჩუენ, ღმერთო, დიდითა წყალობითა შენითა, გვედრებით, ისმინე და შეგვწყალენ.

გუნდი: უფალო, შეგვწყალენ (3-გზის).

მღდელომან: მერმეცა გვედრებით, წყალობისა, სიცოცხლისა, მშჯდობისა, სიმრთელისა, დღეგრძელობისა, ცხორებისა, განათლებისა, მოტევებისა, კეთილად წარმართებისა და მყუდროებისა მონათა (ანუ მკვევალთა) ღმრთისადათა და ყოველთა შჯლოთა ჩუენისა ეკლესიისადათა, რადთა დაიცვას უფალმან ღმერთმან ჩუენმან სამეუფოდ ქალაქი ესე ჩუენი და წმიდად ესე ეკლესიად და ყოველნი ქალაქნი და სოფელნი ივერიისა სიყმილისაგან, სრვისა, ძრვისა, დანთქმისაგან, ცეცხლისა და მახჯლისა, უცხო-თესლთა ზედა მოსლჯსაგან, ბრძოლისა და სიკუდიდშემოსილისა წყლოულებისა, რადთა მოწყალე გუექმნეს ჩუენ ღმერთი კეთილად დგომისათჯს სახიერებითა და კაცთმოყუარებითა თჯსითა, და გარეწარაქციოს რისხვად, მარად დღე ჩუენ ზედა მომავალი, და

გვკნენს ჩუენ სამართლად ჩუენ ზედა მოწევნულისა რისხვისაგან, და შეგვწყალნეს ჩუენ.

გუნდი: უფალო, შეგვწყალენ (40-გ ზის).

მღდეღმან: შეისმინე ჩუენი, ღმერთო, მაცხოვარო ჩუენო, სასოო ყოველთა კიდეთა ქუეყანისათაო, და რომელნი არიან ზღუათა შინა შორის, და მლხინებელ, და მოწყალე ექმენ შეცოდებათა ჩუენთა, და შეგვწყალენ ჩუენ, რამეთუ მოწყალე და კაცთმოყუარე ღმერთი ხარ და შენდა დიდებასა აღვაღვლენთ, მამისა, და ძისა, და სულისა წმიდისა, აწ და მარადის, და უკუნითი უკუნისამდე.

გუნდი: ამინ.

სავედრებელი ლოცვა

ჟ, ეკლესიისა შეურყეველო გოდოლო და მართლმადიდებლობისა სუეტო საღმრთოო, ჭემმარიტებისა მოწამეო და ქრისტესათვს და მამულისათვს სისხლდათხეულო, მკედართა სიქადულო, მეფეთა სიმტკიცეო, მთავართა დიდებაო, უძლურთა ძლიერებაო, მდაბალთა ამამალღებელო, გლახაკთა განმამდიდრებელო, ბრძოლათა შინა უძლეველო და ჭირთა შინა ურცხვენელო, მვედრებელთა შენთა მსწრაფლ-შემწეო და წყალობისა მომნი-ჭებელო, წმიდაო, კეთილმსახურო, მართალო და დიდო მეფეო ვახტანგ გორგასლანო!

ჟ, ღუაწლით შემოსილო დიდო მეფეო, წმიდაო ვახტანგ გორგასლანო, კეთილმსახურებრითა კადნიერებითა ევედრე ქრისტესა ღმერთსა, რადთა დაიცვას მამული ჩუენი მტერისა საფრჯისაგან და ძმათა მტერობისაგან, და წყალობითა მოხედოს დედისა თვსისა წილხვდომილსა ერსა ჩუენსა, მტვრთველსა საუფლოდსა ჯუარისადსა ქუეყანასა ზედა, ხოლო სარწმუნოებად ჩუენი კუალად განაახლოს და მოგუმადლოს შენებრი მკუ-რვალებად სარწმუნოებისად, ძმებრივი სიყუარული მოყუასისად და სა-ღმრთოდ მოშურნეობად მამულისად, რომელიცა განიპოხა სისხლითა შენითა,

და თვნიერ შებრკოლებისა აღვდგინოს ძირისაგან დავითისა, ცხებული ღმრთისაჲ, რომელიცა სარწმუნოებითა მტკიცითა მოჰკრძალავს ყოველთა საზღუართა საქართველოდსასა და აღამაღლებს და აღადგენს სიმაღლესა და ძლიერებასა ჩუენსა ქუეყანით დავიწყებისაჲთ, რადთა ვიყოთ ერთ სამწყსო და უფალი იყოს მწყემს ჩუენდა. განამლიერე მსახურებასა შინა უწმიდესი და უნეტარესი, სრულიად საქართველოდს კათალიკოს-პატრიარქი, მცხეთა-თბილისის მთავარეპისკოპოსი და ბიჭვინთისა და ცხუმ-აფხაზეთის მიტროპოლიტი, დიდი მეუფეჲ, მამაჲ ჩუენი ილია, ყოვლადსამღდელონი მიტროპოლიტნი, მთავარეპისკოპოსნი და ეპისკოპოსნი, პატოსანნი მღდელნი, ქრისტეს მიერ დიაკონნი და ყოველნი სამონაზვნო წესნი, ზიარნი მართლმადიდებელისა ეკლესიისანი და ყოველნი მართლ-მორწმუნენი ქრისტეანენი.

ჟ, ზეგარდამო ღმრთისა მიერ გვრგვნოსანო, წმიდაო ვახტანგ გორგასლანო! ვითარცა გაქუს ძლიერებაჲ ღმრთივმონიჭებული, იმეოხენ წინაშე ღმრთისა, რადთა მოჰმადლოს ეკლესიათა დიდებაჲ, სამღდელოთა პატოსნებაჲ, მთავართა კეთილად მწყსაჲ ერისაჲ, მკედართა მამაცობაჲ, ერისაგანთა უცოდველობაჲ და დედათა კრძალულებაჲ, ხოლო ჩუენ მოგუანიჭოს კეთილ-მოქალაქობით ცხორებაჲ, ქუელის საქმითა განშუენებაჲ, წმიდითა ლოცვითა განათლებაჲ, აღსარებითა განწმედაჲ, ზიარებითა განბრწყინებაჲ, პატოსნად მიცვალებაჲ, სასუფეველსა დამკვდრებაჲ, ანგელოზთა თანა გალობაჲ, წმიდათა თანა სუფევაჲ, და შენ თანა დიდებაჲ და მადლობაჲ, რამეთუ მისა ჰმუენის ყოველი დიდებაჲ, პატივი და თაყუანისცემაჲ, თანა მამით და სულით წმიდითურთ, აწ და მარადის და უკუნითი უკუნისამდე, ამინ.

მღდელომან: სიბრძნით!

ყოვლადწმიდაო ღმრთისმშობელო, გუაცხოვნენ ჩუენ.

გუნდი: უპატოსნესსა ქერუბიმთასა და აღმატებით უზესთაესსა სერაბინთასა, განუხრწნელად მშობელსა სიტყვსა ღმრთისასა, მხოლოსა ღმრთისმშობელსა გალობით გადიდებდეთ.

მღდელომან: დიდებაჲ შენდა, ღმერთო ჩუენო, დიდებაჲ შენდა.

გუნდი: დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ. უფალო, შეგჳწყალენ (3-გზის).
გუაკურთხენ.

მღდელომან: ჩამოილოცოს.

გუნდი: ამინ.

ერისკაცმან: დიდებაჲ მამასა და ძესა და წმიდასა სულსა, აწ და მარადის და უკუნითი უკუნისამდე, ამინ. უფალო, შეგჳწყალენ (3-გზის).

უფალო, იესუ ქრისტე, ძეო ღმრთისაო, ლოცვითა ყოვლადწმიდისა დედისა შენისაჲთა, წმიდისა მეფისა ვახტანგ გორგასალისაჲთა, და ყოველთა წმიდათაჲთა, შეგჳწყალენ ჩუენ, ამინ.

ხატისა მისისა მთხვევასა ზედა ვგალობთ ესრეთ:

ყოველთა მოგჳგიე შენ უფლისა მიმართ მვედრებელად, ქრისტჳსთჳს და მამულისა სამეოხოდ სისხლ-დათხეულო მეფეო ქართველთაო, და სიღრმით გულისაჲთ, მუკლმოდრეკით მლოცველნი შეუვრდებით პატოსანსა ხატსა შენსა და გევედრებით: წმიდაო ვახტანგ გორგასლანო, შეწევნითა შენითა ჳორცთა სენისაგან და სულთა ცოდვისა განგჳკურნენ და ყოველთა ჳირთა და სალმობათაგან გჳკსენ პატივისმცემელნი შენნი და დაუცხრომელად მგალობელნი.

დედოფალო მარიამ, მოგუხედენ სარწმუნოებით თაყუანის-მცემელთა და სურვილით ამბორის-მყოფელთა, პატოსანისა ხატისა

წმიდისა მეფისასა, ხოლო მადლი მისი და წყალობად შენი თანა-
მავალ-მეყავნ ჩუენ ყოველთა დღეთა ცხორებისა ჩუენისათა.

ავტორ-შემდგენელი: თინათინ მჭედლიშვილი

